

ՍՈՎԵՏԱՀԱՅ ԱԿԱՆԱՎՈՐ ՀԱՐՏԱՐԱՊԵՏԸ

(Ալ. Թամանյանի ծննդյան ուրսուճամյակի առթիվ)

Մ. Վ. ԳԲԻԴՈՐՅԱՆ

Ալեքսանդր Հովհաննեսի Թամանյանը (1878—1936) սովետական ճարտարապետության խոշորագույն վարպետներից մեկն է։ Նա մտել է այն նշանավոր ճարտարապետների համաստեղության մեջ, որոնք արդեն անուն ու ստեղծագործական փորձ ունենալով, խանդավառությամբ նվիրեցին իրենց սովետական շինարարությանը։

Լինելով ստեղծագործական խոշոր կարողությունների տեր՝ Թամանյանը նախառնելուցիւն տարիներին չէր կարողանում իր ուժերին լիակատար գործադրություն գտնել՝ ճարտարապետական իր լայն մտահղացումները մարմնավորելու համար։ Այդ հնարավորությունները նրա ստաջ բաց արեց միայն սոցիալիզմի շինարարության դարաշրջանը։

1904 թ. Պետերբուրգի Գեղարվեստների ակադեմիայի ճարտարապետական դասընթացը ավարտելուց հետո Ալ. Թամանյանը աշխատում է նախ Պետերբուրգում, ապա մի քանի տարի անց՝ Մոսկվայում։

Հին Ռուսաստանի մայրաքաղաքներում և այլ քաղաքներում նա կառուցում է մի շարք շենքեր, որոնք հռչակ են բերում երիտասարդ ճարտարապետին. գրանցից են՝ Շչերբատովի տունը Մոսկվայում Չայկովսկու անվան վոդոցում, Կոշուրեյի առանձնատունը Պուշկին քաղաքի Ռադիշևի փողոցում, Կրատովի սանատորիան, Յարոսլավլի ցուցահանդեսի հատակագծումը և կառուցումը։

Շչերբատովի տան ճարտարապետության համար Ալ. Թամանյանը 1914 թ. ընտրվում է ճարտարապետության ակադեմիկոս։

Չնայած այդ շենքերի շինարարական բարձր որակին ու հատկություններին, Ալ. Թամանյանի ստեղծագործությունը լայնորեն ծավալվեց և շատ ավելի բարձր մակարդակի հասավ Սովետական Հայաստանում կատարած աշխատանքի մեկ և կես տասնամյակի ընթացքում։ Դա ճարտարապետի ստեղծագործական կյանքի ավելի հասուն շրջանն էր, որը նա գլխավորապես նվիրեց Սովետական Հայաստանի մայրաքաղաքին՝ Երևանին։

Սոցիալիստական շինարարության առաջին օրերից, երբ Հայաստանի ազատագրված ժողովուրդը ստեղծագործական եռանդով ձեռնամուխ եղավ շինարար աշխատանքի, Ալ. Թամանյանը Սովետական Հայաստանի նոր ճարտարապետության սկզբնավորողը եղավ։ Գործնական աշխատանքին զուգընթաց նա որոնում և բացահայտում էր սովետահայ նոր ճարտարապետության ստեղծման ուղիները։



Այդ գործում բարերար ազդեցություն ունեցավ ճարտարապետության ուսական դպրոցը, որի սկզբունքներն իրենց արտացոլումը գտան Քամանյանի բոլոր գործերի մեջ: Նա առաջիններից մեկն էր, որ հասկացավ սովետական ճարտարապետության զարգացման ներկա իրական խնդիրները:

Քամանյանը վճռականորեն և բացեիքաց ժխտում է կապիտալիստական արևմուտքից եկող խորթ ուղղությունները, հաստատ կանգնում է սոցիալիստական ռեալիզմի ճարտարապետությունը զարգացնելու ուղու վրա:

Որպես իսկական հայ ճարտարապետ, նա իր ստեղծագործության ընթացքում անհրաժեշտ է գտնում սերտորեն կապվել Հայաստանի բնության, նրա կլիմայի առանձնահատկություններին, նրա բուսական աշխարհի և, իհարկե, հարազատ ուսպուրիկայի կուլտուրայի, նրա շինարար ժողովրդի դարավոր փորձի ու ավանդությունների հետ:


Քամանյանը բազմակողմանիորեն ուսումնասիրում է տեղական շինանյութերը և պլամանները, շինանյութերի, երեսպատման քարերի, կերամիկի և գիպսի հավաքածու է կազմում: Ապրելով ռեսպուբլիկայի և ամբողջ Սովետական Միության կուլտուրական, տնտեսական, քաղաքական կյանքի իրադարձություններով, Քամանյանը, որպես պետական գործիչ, չէր կարծում երկրի իրական կարիքներից: 1935 թ. Մոսկվայում տված իր ստեղծագործական հաշվետվության մեջ նա ասում էր. «Իմ բոլոր գործերի մեջ, սկսած 1923 թվականից, ես փորձել եմ օգտագործել անցյալ դարերի կուլտուրական ժառանգությունը: Ես ձգտել եմ գտնել ալիսի ձևեր, որոնք համապատասխանեին երկրի կլիմայական պայմաններին և բնության առանձնահատկություններին և արտացոլեին Հայաստանի ժողովրդական ստեղծագործությունը: Ես ձգտել եմ գտնել այնպիսի լուծում, սրբ ճարտարապետության ազգային ձևը գուցե ուղիղ չէ, սոցիալիստական բովանդակության հետ»:

Տարիներ շարունակ Քամանյանը ուշադիր կերպով ուսումնասիրում է հայկական ճարտարապետությունը, գործուն աշխատանք է կատարում պատմական հուշարձանների պահպանության իր իսկ գլխավորած կոմիտեում, համախակի գիտաբաններ է կազմակերպում ճարտարապետական հուշարձաններն ուսումնասիրելու և չափազերելու համար, և այս ամենը նա կատարում է հայկական ճարտարապետության պատմության խոշորագույն մասնագետի՝ Թ. Թորոս-Մանյանի սերտ համագործակցությամբ: Այս ստեղծագործական համագործակցության շնորհիվ Քամանյանը խորապես ըմբռնում ու յուրացնում է ազգային ճարտարապետության լավագույն տրադիցիաները, որոնք նա հետագայում մեծ հմտությամբ օգտագործում է իր աշխատանքների մեջ:

Նրա երևանյան վաղ շրջանի գործերում արդեն, ինչպիսին Երևանի առաջին հիդրոկայանի շենքն է, մենք տեսնում ենք ազգային ձևերի հմուտ օգտագործում: Հրազդանի գեղանկար ձորում կառուցված հիդրոկայանի շենքն իր ճարտարապետական-տարածական լուծմամբ ներդաշնակորեն կապվում է կիրճի հոլակապ բնության հետ: Արդյունաբերական շենքի շինարարությունը նրա գործնական խնդիրների հետ կապելու համար ստեղծագործորեն վերամշակված ազգային ձևերը շենքի ճարտարապետությունը դարձնում են ճշմարտացի, գերծ պատմական առանձին մոտիվներով և մանրամասներով կամ դրանց կրկնությամբ տարվելու որևէ հետքից:

Սոցիալիստական շինարարության ստեղծագործական խնդիրներով մեծապես ոգևորվելը ամենից ավելի վառ կերպով մենք տեսնում ենք այն մեծ աշխատանքի մեջ, որ Քամանյանը կատարեց՝ կազմելով Երևան քաղաքի գլխավոր հատակագիծը: Զշմարիտ հայրենասիրական զոհամունքով է տոգորված այդ նշանավոր գործը, որն անխնայ վարպետի ամբողջ ստեղծագործության պսակն է:

Երևանի հատակագծման աշխատանքին Քամանյանը մոտեցել է որպես նոր տիպի քաղաքաշինարար, տեսնելով՝ որ սոցիալիստական ռեոլյուցիան սովետական ժողովրդի կարիքների համար վերացրել է քաղաքաշինության ամենալայն մտահղացումներին խոչընդոտող բոլոր արգելքները: Քաղաքի հատակագծման բազմաթիվ գործնական խնդիրների համար նա գտնում էր այնպիսի լուծումներ, որտեղ նպատակահարմարությունը, ռացիոնալությունը, տնտեսական արդարացումը և այլն զուգորդվում էին գեղարվեստական կոմպոզիցիայի հետ: Քաղաքի հատակագծի մեջ նրա նախատեսածից շատ բան այժմ իրական մարմնավորում է գտել: Քամանյանը ճիշտ է որոշել Երևանի ներկայիս մի շարք փողոցների չափերը, ինչպես օրինակ, Ստալինի պողոտայի, Օրբոնիկիձեի պողոտայի, Աբովյան փողոցի լայնությունը և այլն. նախատեսել է Լենինի հրա-



Հայկական ՍՍՌ համալսարանի տունը



Հայկական ՍՍՌ համալսարանի տան հյուսիսային ճակատի օրդերի ֆրոնտոն

պարակի, Աբովյանի, Թատերական (Սպենդիարյանի անվ. օպերայի և բալետի թատրոնի առջև), Շահումյանի և այլ հրապարակների շփր, ձեր և ճարտարապետական կոմպոզիցիան:

Երևան քաղաքի հատակագծի վրա Ալ. Թամանյանի ավելի քան 12-ամյա անընդհատ աշխատանքն անհրաժեշտ էր արագորեն աճող սոցիալիստական շինարարության համար: Բուռն թափով էր զարգանում արդյունաբերական, բնակարանային և կուլտուրական շինարարությունը: 20-ական թվականների վերջերին և 30-ական թվականների սկզբին քաղաքի ապագան շատերի համար լիովին պարզ չէր: Կային «մտնազետներ», որոնց երևան քաղաքի հատակագիծը թվում էր անիրագործելի գիզանամոլություն: Ուշագրություն չզարձնելով թերահավատներին, Թամանյանը համառորեն աշխատում էր ստեղծագործական ազդ մեծ խնդրի վրա:

Մեզ, սոցիալիստական շինարարության աճման վկաններին, հայտնի է, որ շնայած նոր երևանի վերաբերյալ ամենալայն մտահղացումներին, որոնց իրականացմանը Թամանյանը խորապես հավատում էր, տարեց-տարի աճող շինարարության չափերը գերազանցեցին քաղաքի վերակառուցման սկզբում եղած բոլոր ենթագրությունները: Թամանյանը տեսնում և ստեղծագործորեն վերապրում էր երևանի աճումը, անընդհատ վերաթշակում էր նախագիծը և ձևոնամուխ էր լինում քաղաքի հատակագծի զարգացմանը, այն անվանելով «Մեծ երևանի հատակագիծ»:

Երևանի գլխավոր հատակագծի մշակման հետագա աշխատանքը շարունակեցին նրա աշակերտները, որոնք բարձր գնահատելով իրենց մեծ ուսուցչի բեղմնավոր վաստակը, հաշվի առան նրա բոլոր նախագծումներն ու քուցումները հատակագծի հետագա կատարելագործման գործում:



Հայկական ՍՍՌ Կառավարական տան նախապահ




Ա. Մյասնիկյանի անվան Հանրային գրադարան. կենտրոնական մասը

Ալ. Թամանյանի հատակագծերով երևանում կառուցվել են մի շարք շենքեր, որոնց թվում բարձրագույն ուսումնական հաստատություններ, ինչպես օրինակ, Անասնաբուժական ինստիտուտի, Բժշկական ինստիտուտի, Անատոմիկումի, Պոլիտեխնիկ ինստիտուտի շենքերը, Կլինիկական հիվանդանոցների՝ Գինեկոլոգիական, Կլինիկայի, Մանկական Կլինիկայի (Մ. Գրիգորյանի աշխատակցությամբ), Ֆիզիո-թերապիայի ինստիտուտի շենքերը, ինչպես նաև բնակելի և հասարակական շենքեր: Իրենց ճարտարապետությամբ ամենից ավելի նշանավոր են Թամանյանի հատակագծերով կառուցված Սպենդիարյանի անվան օպերայի և բալետի թատրոնի շենքը և Հայկական ՍՍՌ Կառավարական տունը:

Իր ճարտարապետական լուծումների մեծ մասին Թամանյանը մոտենում էր քաղաքաշինական, անսամբլային մտահղացումների տեսանկյունից: Նրա անսամբլային կոմպոզիցիաները առանձնապես արտահայտչական են Օպերայի և Բալետի թատրոնի ճարտարապետության լուծման



Այլ. Մայնսդորանի անվան օպերայի և բալետի թատրոնի հարավային ճակատը



Օպերայի և բալետի թատրոն. համերգային մեծ դահլիճի ներքին բնութագրող տեսքը
(նախագիծը ավարտել է ճարտարապետ Գևորգ Այվազյանի թափանցանքը)

մեջ: Այդ շենքի չափը, բացի իր անմիջական նշանակությունից, կապված է քաղաքի կենտրոնի զգալի մասի տարածության վրա բարձրացող ճարտարապետական գերիշխող օրգանիզմի գերի հետ: Թատրոնի հատկագծի ձևը կապված է նրա տեղադրման պայմանների հետ և հաջողությամբ նպաստում է իր հատկազոծով օվալաձև շենքի հարաճուն ծավալների ներդաշնակ զուգորդմանը: Շրջապատի հատկազոծումը օրգանապես ենթարկված է թատրոնի ճարտարապետությանը: Հատկազոծման առավել ցայտուն տարրերն են թատրոնի առջևի հրապարակը և շենքի շուրջը եղած կանաչապատ օղակը:


Միևնույն մոտեցումը պարզորոշ տեսնում ենք նաև Հայկական ՍՍՌ Կառավարական տան հատկազոծում: Նրա ճարտարապետությունը գտել է Լենինի հրապարակի ամբողջ կառուցման համար անհրաժեշտ արտահայտչականության իր մասշտաբն ու աստիճանը և մատնացույց է արել անսամբլի հետագա զարգացման խնդիրները: Քաղաքաշինական մոտհղացումները պարզորոշ արտահայտվել են նաև համալսարանական թաղամասի հատկազոծման ու կառուցման նախագծում, որտեղ Ղուկաս Ղուկասյանի սյուրակը գրավում է կենտրոնական դիրքը: Այդ սյուրակի առանցքի վրա Ալ. Թամանյանի նախագծով կառուցվել է փոքրիկ, բայց շատ արտահայտիչ մի շենք՝ համալսարանի աստղադիտարանը: Այդ նույն առանցքի վրա սյուրակի առաջ գծված է հրապարակ, որի կենտրոնում կանգնեցված է Ղուկաս Ղուկասյանի արձանը:

Այդպիսի տեսլենցներ կարելի է մատնացույց անել նաև Մանկական կլինիկայի ճարտարապետության լուծման մեջ, որը կապվում է ևս. Աբովյանի հրապարակի, ինչպես նաև Անատոմիկումի նախագծման հետ: Ե ինարարությունը յուրաքանչյուր օբյեկտի համար շատ կարևոր համարելով քաղաքի ճարտարապետության մեջ համապատասխան տեղ և կերպար գտնելը, Թամանյանը ուշի ուշով հաշվի էր առնում այն բոլոր պայմանները, որոնք կարող էին նպաստել գեղարվեստական արտահայտչականության հասնելու գործին: Այդ տեսակետից լավագույն լուծմամբ աչքի է ընկնում արդեն հիշատակված Հայկական ՍՍՌ Կառավարական տունը: Ե ինարարության ձևով անհրաժեշտ հողամասը և անորոշ կոնֆիգուրացիայով ինքնամփոփ կառուցումը առաջին հայացքից չպետք է նպաստեին այնպիսի լուծում գտնելու գործին, որ շենքը բոլոր կողմերից ճարտարապետական ամբողջություն ունենար: Բայց այդպիսի ամբողջականություն ձևով է բերված և քաղաքաշինական տեսակետից արդարացված է: Շենքը շատ հետաքրքիր ձևով շոկոտմբերյան պողոտայի հեռանկարը վերջափակում է ճակտոնով պսակված մեծ որմնախորշով: Նախապայման փողոցի հեռանկարի երկարությամբ ֆոնի վրա բարձրանում է եզրակալման աշտարակը, որը գեղեցիկ սյունաշարով կապված է շենքի ընդհանուր կոմպոզիցիայի հետ: Հետաքրքիր են շենքի այն կողմերը, որոնք օրգերի համամասնական հստակ ուղիով նայում են Մեյքեր-Աղամյանի փողոցին: Առանձնապես մեծ գեղարվեստական տպավորություն է գործում զլխավոր ճակատը, որն ուղղված է հրապարակի հարավային օվալաձև կողմին: Հզոր սյունափնջերի վրա հենված հինգ մեծ ու խոր կամարային բացվածքները վարմանալի հաճելի հեռանկարային խորություն են տալիս շքամուտքի բացվածքներին, որոնք համատեղ մոնումենտալ հիմք են ստեղծում այդ ճակատի ամբողջ կոմպոզիցիայի համար: Կամարաշարքի կողքերի թևային ելունները և կամարների տակի գեղեցիկ սյունաշարը էլ ավելի են ուժեղացնում հոյակապ կոթողի թողած տպավորությունը:


Գլխավոր կամարաշարի վրա կամարազեղերի, խոչակների և մասնատված ծոփոնների (ֆրիզների) լավ գծագրված նուրբ, բայց մասշտաբային զարդաքանդակը լրացնում է շենքի ճարտարապետությունը, որն իր ներդաշնակ գեղեցկությամբ, գեղարվեստական բովանդակությամբ և երեսապատման վարդազույն քարի ելեկշով գրավում է Լենինի հրապարակում գտնվող մարդու ուշադրությունը:

Հայկական ՍՍՌ Կառավարական տունը սովետական ճարտարապետության նշանավոր գործերից մեկն է և արժանացել է ընդհանուր բարձր գնահատության:

Թամանյանը ստեղծագործական մեծ գործունեությանը զուգորդում էր նաև հասարակական աշխատանքը. նա ընտրվել է Անդրկենտգործկոմի, Հայաստանի Կենտգործկոմի, Սրեանի Քաղսովետի անդամ, Հայկական ՍՍՌ Պետական տեխնիկական բարձրագույն խորհրդի նախագահ էր, Պատմական հուշարձանների պահպանության կոմիտեի, Պոլիտեխնիկական ինստիտուտին կից պետական քննական հանձնաժողովի նախագահ և այլն: Նոր Հայաստանի շինարարությանը Թամանյանը մասնակցում էր ոչ միայն իբրև ճարտարապետ. նա զբաղվում էր նաև ինժեներական և տնտեսական շատ հարցերով: Թվում էր, թե էլեկտրիֆիկացման, ոռոգման, շինանյութերի արդյունաբերության, ձևարկությունների շինարարության և այլ



Երևան քաղաքի կենտրոնի շարավարձային մասի համառոտ խճր



Նրկան քաղաքի համայնականության պատկերացումը

Հարցերը հետո են գեղագետ-ճարտարապետի կոչումից: Բայց նրան հասկանալի էին սովետական շինարարության նպատակներն ու խնդիրները. առանց կներգետիկ բազա ստեղծելու, առանց ուսուցումն ընդլայնելու չէր կարող Հայաստանի քաղաքների և մայրաքաղաքի աճում, հետևաբար նաև ճարտարապետության զարգացում լինել: Դրա համար էլ Քամանյանն իրեն հատուկ եռանդով ղեկավարում է երեանի առաջին հիդրոկայանի, Սարգարաբազի և այլ չքանքների շինարարությունը, կազմակերպում է մարմարի գործարանը, նախագծում է մեխանիկական գործարանը և այլն: Ինժեներական կասուցումների հետագա աշխատանքները կատարելու համար ինժեներները հավաքագրելուց հետո միայն Քամանյանն ամբողջությամբ իրեն նվիրեց ճարտարապետությանը, կազմակերպելով ճարտարապետական արհեստանոց, որտեղ Հայաստանի փորձված մասնագետների հետ միասին ներգրավեց նաև երիտասարդներին: Մեր ուսուցիչի կայքի աշտրվա առավել փորձված և հայտնի ճարտարապետները սովորել և աշխատել են Ա. Քամանյանի ղեկավարությամբ՝ նրանից սովորելով ճարտարապետության տարրերից մինչև բարդ խնդիրների լուծումը: Դրանցից առանձնապես հիշատակության արժանի է Գեորգ Ալեքսանդրի Քամանյանը, որը կատարել է իր հոր հղացած, բայց չավարտած մի շարք շենքերի նախագծումը: Նա սկզբունքայինություն և շտանդարտություն է ցուցաբերել ակադեմիկոս Ա. Քամանյանի՝ իրեն հանձնարարված նախագծերի իսկական մտահղացումները պահպանելու գործում: Ա. Քամանյանի արհեստանոցը նպաստել է Սովետական Հայաստանի ճարտարապետների զարգացի ստեղծմանը, որը շարունակում է աճել սովետական շինարարության աճման հետ միասին: Նա սովորեցրել է նախագծման կարգապահություն, դաստիարակել է անասիման սեր և հետաքրքրություն սովետական ճարտարապետության խնդիրների նկատմամբ: Մեծ է ակադեմիկոս Քամանյանի թողած ստեղծագործական ժառանգությունը: Սովետական Հայաստանի ճարտարապետության և խոշոր նշանակություն ունի նրա զարգացման համար: Սովետական կառավարությունը բարձր գնահատեց ակադեմիկոս Քամանյանի բեղմնավոր գործունեությունը: Կառավարությունը նրան շնորհեց Հայաստանի ժողովրդական ճարտարապետի կոչում: Հաջկական ՍՍՄ Կառավարական տան ճարտարապետության համար նրան շնորհվել է Ստալինյան մրցանակի լուրեմատի կոչում:

ВЫДАЮЩИЙСЯ СОВЕТСКИЙ ЗОДЧИЙ

М. В. ГРИГОРЯН

(Р е з ю м е)

В апреле 1958 года исполнилось 80 лет со дня рождения выдающегося советского зодчего Александра Ивановича Таманяна. Окончив Петербургскую Академию Художеств по классу архитектуры, А. С. Таманян с первых же лет своей практической работы выдвинулся в ряды передовых архитекторов России и обратил на себя внимание своими многочисленными проектами, осуществленными в Петербурге, Москве и в других городах России.

Особенно широкий размах получило творчество Таманяна в годы социалистического строительства. С первых лет установления в Армении Советской власти он работал в Ереване и связал свое имя с планировкой и строительством столицы Советской Армении. Одним из крупнейших памятников советской архитектуры является выстроенный по его проекту Дом правительства. Таманян проектировал также украшающие столицу республики здания Театра оперы и балета имени А. Спендиаряна и нескольких высших учебных заведений. Двенадцать лет жизни посвятил он созданию проекта перепланировки Еревана. В своей практической деятельности он использовал лучшие традиции армянской, русской и мировой классической архитектуры. «Во всех моих работах,—писал Таманян,—начиная с 1923 года, я пытался использовать культурное наследие прошлых веков. Я стремился найти решение, дающее сочетание национальной архитектурной формы с социалистическим содержанием».

Советское правительство высоко оценило плодотворную научную и общественную деятельность академика Таманяна и присвоило ему звание народного архитектора Армении и лауреата Сталинской премии.